



UNIVERSITI
TEKNOLOGI
MARA



UiTM NEWS HUB

Hab Berita Rasmi UiTM



[Home](#) / [2024](#) / [December](#) /

UiTM Mengekalkan Kedudukan pada Tangga Ke-151 Asia dalam QS World University Rankings: Sustainability 2025

BERITA UTAMA GRU2025

10/12/2024 / RANKING UiTM



Shah Alam, 10 Disember 2024 – Universiti Teknologi MARA (UiTM) terus mengukuhkan kedudukannya sebagai peneraju dalam kelestarian, apabila tersenarai dalam kelompok 34.7% terbaik daripada 1,751 universiti di seluruh dunia menerusi QS World University Rankings: Sustainability 2025. Pencapaian ini menandakan tahun ketiga berturut-turut UiTM diiktiraf dalam penarafan berprestij tersebut, sekali gus membuktikan komitmennya terhadap usaha kelestarian global. Secara keseluruhan, UiTM mencatat peningkatan sebanyak 8%, dan berjaya menduduki tempat ke-151 pada peringkat Asia. Penarafan pada tahun ini menyaksikan peningkatan penyertaan, dengan tambahan sebanyak 348 buah institusi berbanding 1,403 pada tahun sebelumnya. Ini termasuk 29 buah institusi dari Malaysia dan 661 buah institusi dari seluruh Asia. QS World University Rankings: Sustainability menilai universiti berdasarkan tiga kategori utama, iaitu Impak Alam Sekitar, Impak Sosial, dan Tadbir Urus.

UiTM menunjukkan peningkatan signifikan dalam indikator Impak Persekitaran, apabila melonjak dari kedudukan =627 ke =595 berbanding tahun sebelumnya. Kenaikan ini sebahagian besarnya disebabkan oleh peningkatan skor sebanyak 43% dalam indikator Penyelidikan Alam Sekitar dan 32% dalam indikator Penyelidikan Alam Sekitar. Pencapaian ini mencerminkan komitmen teguh universiti dalam menawarkan pendidikan berimpak tinggi terhadap kelestarian alam sekitar. Ia dicapai melalui integrasi prinsip kelestarian dalam program akademik, penyelidikan, dan inisiatif komuniti, selain memupuk budaya penyelidikan yang sejajar dengan Matlamat Pembangunan Mampan. UiTM turut mencatatkan peningkatan skor dalam Impak Sosial, khususnya pada indikator Kebolehpasaran dan Keberhasilan, yang melonjak dari kedudukan =637 ke =613. Ini membuktikan dedikasi UiTM dalam memperkasa peluang pekerjaan graduan, mengukuhkan reputasi universiti, dan mengeratkan kerjasama penyelidikan bersama industri. Secara keseluruhan, UiTM berjaya melepasi median global dalam semua kategori yang dinilai, dengan kedudukan ke-607 daripada 1,751 buah institusi global dan tempat ke-11 daripada 29 buah institusi Malaysia yang disenaraikan.

Naib Canselor UiTM, Profesor Datuk Ts. Dr. Shahrin bin Sahib @ Sahibudin, menyatakan, “Kami amat berbangga dengan kemajuan berterusan UiTM dalam QS World University Rankings: Sustainability 2025. Pencapaian ini menggambarkan usaha berterusan UiTM dalam menyelaraskan amalan dengan piawaian kelestarian global, sekali gus menunjukkan komitmen kami dalam membina masa depan yang lestari melalui pendidikan, inovasi, dan tadbir urus yang baik. Sejak pelancaran agenda UiTM2025, kami memberi tumpuan untuk mewujudkan asas kukuh bagi pertumbuhan mampan, dan pengiktirafan ini mengukuhkan lagi dedikasi kami dalam memajukan kecemerlangan akademik serta menyumbang kepada usaha kelestarian global. Kami yakin bahawa usaha berterusan ini akan menghasilkan perubahan positif dan memperkukuh reputasi antarabangsa UiTM. Kami kekal komited dengan misi kami untuk menghasilkan graduan Bumiputera yang berkemahiran tinggi, berdaya saing, dan profesional, serta bersedia untuk menghadapi cabaran tempatan dan global”.



Tags: [QS World University Rankings: Sustainability 2025](#), [UiTM Ranking](#), [Universiti Teknologi MARA \(UiTM\)](#)



UiTM Retains 151st Spot in Asia for QS World University Rankings: Sustainability 2025

Inisiatif Mini Library Sebagai Medium Kesukarelawanan Untuk Pendidikan



QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA (UiTM)
40450 Shah Alam, Selangor Darul
Ehsan
Malaysia

Tel: +603-5544 2051 / 2000



Copyright © 2026 UiTM NewsHub | Theme by: Theme Horse | Proudly Powered by: WordPress